

ISHIWI LYA KWA LESA

MULI SHINO NSHIKU

SHA KULEKELESHA



Mucine cine lishuko ukubwekelamo ukuba pakati ka aba abantu aba Spanish na kabili kano kacelo. Kabili Ndetwishika nga cakuti Jim aleumfwa ici. Eya, aleumfwa ifyo tulekopa. Ncili ninkwata iseleti ilyo ibumba lya bana abanono ba kemba aba Spanish bapangile Nalishile kuno na kabili na Munyina Garcia. Kabili Ndalaba kalya aka lwimbo akepi baleimbila ine. Nomba, iye, ifyo Natemwa cilya! Na balya bana abanono bonse balikula baba namu fyupo. Ndabomfwa inshita ne nshita. Kabili Nacingila mukati kano kacelo no kumona uwacaice Joseph, kabili ifyo cacicitapo cimo kuli ine, kabili Naciba uwa sansamuka sana uku mimona.

² Kabili, nomba, Ni nkwatapo ishiwi limo ilyo Ninga landa mucu Spanish. Bushe kuti mwatemwa uku lyumfwako? “Halleluyah!” Nsha kalabe ili shiwi. Naleesha ukulenga umwanakashi nkoma matwi ukuti angufwe pa nshita imo. Nomba, kuti limbi Nalufyana ukusosa ici, mwamona, lelo ukulingana nga ifyo Ningebukisha lyali “oye.” Bushe cacine? *Umfweni* ine. *Umfweni*, “oye.” Elyo kabili nshalaba, “Gloria a Dios!” Ica wamisha! Kanshi, Nalikwete ishuko lya kuba mu musumba ukalamba, Mexico City, no kulanda nabo kulya. Ifyo Natemenwe sana! Kabili Naleesha uku. . .

³ Nali ku Finland panuma Nafumine kuno. Kabili lyonse cinjibukisha ilyo nalelanda no mwanakashi uwacaice umu Finnish. Baishile ntwala kuco baleita ati “bethany.” Cila calo caliikwatila amano yaciko. (Ndi, bushe mule umfwa amashiwi ukubwekeshapo, Nimpalaminako sana? Bushe nomba mwa umfwa bwino, ngapa mwa umfwa shani?) Uyu mwanakashi umukashana, ali umuntu munono umusuma. Lelo ali kwati nine, alitemenwe ukulanda sana. Kabili nakelula wandimi. . . alelanda mukwangufyanya, kabili—kabili kelula wandimi talekwanisha ukulanda mukwangufyanya ngefyo alefwaya ukulanda. Kabili aleiminina kabili ne cinso cakwe cakashika, aishile tila, “Nasangwako kwati nibalya abalumendo mu Babylon.”

⁴ Nomba, namwishiba, Nalisanga ukuti fyonse i—i fyuni fyonse fimbila mu Cisungu, imbwa shikuwila mu Cisungu, utunya tulilila mu Cisungu. Ndasunguka ubwafya twakwata

kanshi. Lelo bonse ifwe tutontonkanya ukuti ulu—ulu limi lwesu lukaba elulimi lwa mu myaka Ikana limo, nifyo fine. Nomba ifwe fwe bapokelela Umupashi wa Mushilo, ico cacine, pantu twalikwata ululimi lwa mu Mulu.

⁵ Natukwata Munyina Rowe apa naifwe kano kacelo, umwiminishi wa Washington. Ndesubila alipyungila pe samba lyaba Kateeka basano atemwa mutanda, ba Kateeka cinelubali. Kabili namwishiba ifyo Ndeumfwa ukushipikisha ici, apa pa cintamba, ukulanda, elyo no muntu uwa ifi naikala kunuma yandi. Lelo ubunte bwakwe lyonse bwaba ubusuma kuli ine, kabili makamaka ilyo ena. . . Nincetekela aali Lutheran, nga Nshi lufyenye, limbi Katolika atemwa Lutheran, Lutheran. Kabili atiile ati. . . icintu cimo cili mupepi no kwamfula pe samba lye tenti mukulongana kwa ci Pentecostal, kabili aishile ima. . . Mukulekelesha aishile kwanisha ukufika ku cintamba, kabili, ilyo afikile, Shikulu aishile ika pali wene no kumupaala ica kuti. . . Ndesubila kuti alanda mundimi ukufika na cine lubali. Atile alyeshe lumo, “talwa bombele,” elyo aisa eshako na lumbi, “talwa bombele.” Kabili Ndesubila kuti alanda ululimi lwa Spanish cimo cine nga ifyo imwe bonse mwinga landa. Eico ena—ena aesehe fyonse, kabili tafya bombeke. Kabili, moneni, namwishiba, Lesa alishile mwafwa, Alikile panshi no kwisa mupela ululimi ulo ashatalile esha napo, atiile, “Ca bombeka!” Cintu calungama. Ndesubila efyo cikaba kuli lulya lubali lumbi.

⁶ Fingi ifya kwibukisha Nasunga mumutima wandi palwa ka chalici akanono palya, Nali cicetekela. . . iye, Ndalaba apo caba. Ni apa lubali mupepi na Tonto Street. Kabili Ndebukisha ico. Kuti na ibukisha ishiwi “Tonto Street,” apo icalici lyabelele ilyaba Apostolic abalanda ululimi lwa ci Spanish.

⁷ Nalelanda kuli kakumba, “Iyi kuti yaba nincende iyalinga ukukwatilapo ukupuputulwa,” incende iyi kalamba, chalici iyipya, abantu abasuma. Kanshi Ndetontonkanya kuti yalinga ukukwatilapo ukupuputulwa ubushiku bumo. Mulepepelapo, ukwisa no kukwata ukupuputulwa. Nomba, Ninsubila cimo cine fye nga filya twakwata kwi chalici ilyaba lulya lubali. Ndebukisha ninjiminina mu lubansa, ninshintilila naku lupango, uku no ku mumisebo, ukwasha ukwikala kulya ubushiku, mu cakushininkisha fye cali cakunseksha Nsha bala laba. Kabili Nali kwata i—i seleti lya bakashana abanono, aba shaupwa naba bwananyinya abaimbile no kupanga iseleti. Elyo baleesha ukwimba “Cetekela Fye,” kabili tabaleimba filya fine, namwishiba. Baletila, mu cifulo cakuti “cetekela fye,” baleimba abati “yeonea believe,” mwamona.

⁸ Elyo Ndebukisha Rebekah, umwana wandi umwanakashi, Sarah, kabili libe batila, “Batata, imbeni, lishenipo kalya kali seleti akanono. . .” Muchifulo cakulanda ati “Spanish,” balelanda ili shiwi, ukuti, “abakashana ba ci Spinach, abakashana abanono aba ci spinach baleimba ‘Cetekela Fye.’”

⁹ Cisuma, Ndebukisha bakonkele ukulongana. Ukupuputulwa epo kwali ilya nshita, kabili bakonkele ukupuputulwa mpanga yonse ukufika na ku Chishi ca ku Masamba. Kabili Naine. . . akantu akanono kalikobeme mu mutima wandi ilintu twafumine ku California, Munyina Moore na Ine, kabili na Munyina Brown, ukuya kulya kwine ku ncende ba pangila ama funde. Kabili ilintu Naingile muli cilya cikulwa bulya bushiku, balya abace na beminina baleimba lulya, “Ena ala kusakamana.” Mwalilumfwapo. “Ukupitila mufisuma atemwa mufyabipa, Ena ala kusakamana.” Inshita ishingiri mu fyalo ifya kutali, ukupitila mu ncende sha bulwi ubwa calo cino ica kutintana, ukwesha ukuleta Imbila ya kwa Kristu, Naleibukisha balya abakashana na balumendo balenjimbila lulwa ulwimbo, “Ena ala kusakamana. Ukupitila mufisuma atemwa mufyabipa, Ena acili ala kusakamana.” Eico cilya cali cakukoselesha sana, ica kwafwilisha.

¹⁰ Ukukumanya kakumba wenu umusuma, kabili no kutemwa pa kumona ukuti ulukuta lucili ulwa kaba na kabili mwalikwata icikulwa icikulu kabili ica yemba kuno, fyonse ifya bikwa bwino, apa kwimika imyotoka napo apakulu. Incende fye iyi suma mu maboko ya Mupashi wa Mushilo, nga cakupitila kuti twa Mubula ukumona ici no kwishiba ukuti tuleita ukupuputulwa. Ena, Nalicetekela kuti Ampela.

¹¹ Nomba, buno bushiku tuli pa chalici yakwa Munyina Outlaw, chalici ye Shina Iya kwa Yesu, ukuculuka ku lubali lumbi. Kabili na Munyina Outlaw, Nacetekela mu. . . ni kapepa wa ku chalici ya Apostolic, nao wine. Ndetontonkanya ukuti eta ishina lyakwe, ati ichalici, Ishina lyakwa Yesu. Ndetontonkanya ukutila acetekela mu apostolic. Elyo nomba tulingile ukuba muno buno bushiku. Elyo nomba tatulelanda pe chalici Iya Spanish, “nomba kabiye palya,” pantu uli pa ncende yamulimo obe. Kabili kukaba ukulongana uku kalamba ukwa Baume abena Kristu abacita Amakweebo, ukufuma pali Cine, panuma bapwisha ukulongana mu ma chalici yambi, pali Cine. Na uyu umusonkano, kukaba bakashimikila abaishibisha, elyo kabili Oral Roberts, kabili na bamunyina ba ku Methodist abapuswike fye ili line, elyo batila ni kashimikila uwa maka sana. Kabili Nincetekela ukuti mukaipakisha iyi misonkano. Naimwe mwe misepela, nabakwata ukulongana kwa misepela kulya nako kwine, nga filya munyina acibilisha. Ndetwala abana bandi kulya pakuti benga sambilila palwa ici. Kanshi nomba kuti mwaisa, twala sekelela ukuba naimwe. Shikulu amipaale bonse.

¹² Kabili nomba Ndefwaya uku kupukula Baibele no kubelengamo fimo pa Cebo Cakwe ica paalwa. Kabili Ninsala kano kacelo, pa kashita fye akanono, Nshilefwaya ukumikokosha, ilembo, kabili limo pa malembo aya muli Samwele Wakubalilapo, na limbi lisangwa muli Esaya. Kabili

kuti Natemwa ukubalilapo ukubelenga muli Esaya. Kabili Nde. . .

¹³ Bushe mulengumfwa bwino bonse, bonse muno tuli? Pa kati ka ifi ifya kulandilamo, filaba ifya afya ukubomba bwino kuli ine, Nshaishiba mulandu nshi. Mulengumfwa bwino bonse konse uko, imyeniko ukuboko kwenu. Cisuma, cisuma.

¹⁴ Nomba, Ndi ne shiwi ilya komako panono, tepali cimbi, lelo pa mulandu wa kulanda sana. Kabili ukufuma apo nali naba bwananyina abaci Spanish, papita imyaka limbi ikumi limo na mutanda, Ndeeshako ukwibukisha, limbi kuti yaba imyaka ikumi limo na mutanda limbi kuti papita imyaka ikumi limo na cine lubali, kwena, Ncili ndashimikila ukufuma lilya. Kanshi Nalinaka lilya, Natiile, kabili Ncili ninaka, lelo Ncili ndekonkanyapo ukuya pa ntanshi ukupitila mu luse lwakwa Lesa.

¹⁵ Nomba natu kupukule mwi buku lya kwa Esaya 40, icipandwa ca 40 muli Esaya; kabili icipandwa 1, atemwa icipandwa 3 ica kwa Samwele Wakubalilapo. Kabili ilintu tucili natwikatilila ishi ncende pa kubelenga Icebo, kuti Natemwa ukuti twakontamika imitwe yesu pa kashita mwipepo.

¹⁶ Mwe Shifwe wa mu Mulu, tuli aba kutotela ilelo pali ili shuko ilya kwiminina muli ubu bucingo busuma ubwa lashikwa kuli Lesa kabili ku mulimo Wakwe. Kabili ngefyo twishibe ukutila ababomfi Benu balimininapo pali ci cifulo atemwa cintamba inshiku ishingi, kabili no mweo uwaipelesha ku mulimo Wenu.

¹⁷ Kabili ukuti *aka*, aka kacelo, kaleta icibukisho, icibukisho ca ku puputulwa ukwali mu kutampo kutendeka, na Mupashi wa Mushilo uwaishile ica panshi mu musango na Lubuto ulu kalamba, nge Ntumba ya Mulilo, kabili Lya landile ukuti Imbila ifwile uku kumana isonde lyonse. Kabili nomba ilelo ilyo lyashi lyalipita kale. Imbila yalikata umulilo ukupitila mu baume bakalamba, panuma ya kumone Ci, nga Oral Roberts na Tommy Osborn, na Tommy Hicks na bambipo. Kabili ukupitila mu maka ayo twabikako bonse capamo, tulemona Imbila na yambusha umulilo wa ku puputulwa pe samba ya Mulu, wa Mbila ya ba pentecostal. Kuli ici tulepela ukutotela na malumbo kuli Imwe, Mwe Lesa wa Maka yonse.

¹⁸ Kabili nomba lelo twapepa ukuti Mwalaalulula imitima yesu, uku ipekanya ku ku Sendwa kukalamba ukwalaisa citwa nomba line, natucetekela. Kabili nga cakuti imitima yesu taili mu musango wa filya atemwa uwa cili conse ico Mwa tu kwatila, twapepa Mu tubelele uluse ku kupeleleba kwesu, kabili mwalalanda naifwe ilelo ukupitila mu Cebo Cenu. Paaleni kakumba wa ili chalici, ba dikoni babo, ba trasiti, na bonse ababa mulukuta, ba membala. Paaleni ba kemba abanono aba, nabalisha ifinanda, aba lisha ifilimba. Bonse capamo, paaleni

abo bonse abaleingila pa mpongolo ya iyi ncende. Leken i baye aba pusanako cila nshita, ba palamineko panono kuli Imwe ukucila ifyo baciba ilyo bacisa. Suminisheni ici, Tata. Kabili lekeni cibe ifyo fine, na kacelo kene aka, pantu twalombela mwi Shina lyakwa Yesu. Amen.

¹⁹ Nomba tukupukule mwi Buku Iya kwa Esaya, icipandwa ca 40, tulebelenga ukuti.

Sansamusheni imwe, sansamusheni imwe abantu bandi, efyasosa. . . Lesa.

Soseni imwe amashiwi ya kusansamusha kuli Yerusalemu, no kubilikisha kuli ena, ukuti naipwa inshita ya bulwi bwakwe, ukuti nayebelelwa amampulu yakwe: pantu napokelelwa ku kuboko kwakwa SHIKULU ica miku ibili pamulandu wa . . . membu shakwe.

Ishiwi Iya ulebila mu mumatololo, pekanyeni inshila ya kwa SHIKULU, tambaliken i mu ciswebebe umusebo uwa pabuka wa kwa Lesa.

Umukonko once ulundumikwe, kabili ulupili ne culu fibatamikwe: apa kobenkana pabe apa ololoka, apa kalabana pabe apa tambalala:

Kabili no bukata bwa kwa SHIKULU bukasokoloka, na bantunse bonse baka mwena pamo: pantu akanwa ka kwa SHIKULU naka sosa ici.

Nomba mwi Buku Iya kwa Samwele, Samwele Wakubalilapo, icipandwa ca 3, Ndefwaya uku belenga vesi ya 1, Iya 2, kabili neya 19:

Kabili umwaice Samwele alepyungila SHIKULU kuli Eli. Ne cebo cakwa SHIKULU ica yemba muli shilya nshiku; takwali icimonwa pa mbilibili.

Kabili yaishile fika inshita, ilintu Eli alele umo aleikala, kabili namenso yakwe yatendeke ukunaka, icakutula afilwa ukumona;

. . . ilyo inyali yakwa Lesa taila shima mwi tempele lyakwa SHIKULU, umwali icipao cakwa Lesa, kabili na Samwele na lambalala mutulo;

Elyo SHIKULU aitile . . . nao alyaswike, Indi Pano.

Icipandwa 19:

Kabili Samwele alikulile, Kabili na SHIKULU ali nankwe, kabili Talekele icebo nangu cimo ukuponena panshi.

²⁰ Iye, kuti lyaba lisambilisho Iyakwana Ilyo twinga landapo ukufika umwenshi umo, kabili kuti twabulapo ica kutwafwilishako ukufuma muli ili lembo. Nomba kano kacelo, elyo tukwete fye limbi ama miniti amakumi yabili ukufuma panse munshita Iya yana ukufuma kuli. . . Ndemon

kwati Sande sukulu naipwa atemwa limbi ilekonka panuma, Nshishibe. Nomba, nangu cabefi, Ndefwaya ukubomfya umutwe we sambilisho uwa kuti, *Ishiwi Lya Kwa Lesa Muli Shino Nshiku Sha Kulekelesha*.

²¹ Ninshita iyi suma sana. Natwiluka ukuti apa apo tulelanda ukufuma mu Malembo, ukuti cali soselwe, “Takwali icimonwa icapa lwalala munshiku sha kwa Samwele.” Eico, “Apashili cimonwa,” Baibele yalilanda, “abantu balonaika.” Tufwile uku kwata icimonwa. Icimonwa cisa kuli ba kasesema, kabili Cebo cakwa Shikulu ici soswa kuli bena.

²² Kabili tule sanga ukuti Eli tali kasesema, Eli aali ni shimapepo. Kabili aile alekota, kabili na menso yakwe yatendeke ukunaka, kabili talemona pakuti akwanishe, ali umuntu uwaina umukulu. Kabili atendeke ukusuminisha umulimo wa kwa Shikulu ukulekeleshiwa.

²³ Kabili efilya fine nge fyo cili ilelo. Ndetontontokanya kwati ulukuta, utubungwe kabili ne filonganino, baliba mu mulimo pa nshita ntali, kabili nabatampako ukutompoka. Kabili no mulimo wa kwa Shikulu na ulekeleshiwa, Icebo ca Cishinka, pantu ulukuta, palwa luko, nalutendeka ukuba impofu. Kabili tulekabila, ilelo, Ishiwi lya kwa Lesa ukusosa pakati kesu, uku tubweseshwa apa tufwile ukuba.

²⁴ Kabili, moneni, Eli alishile, kabili na . . . na menso yakwe yatendeke ukufilwa ukumona. Ali ni shimapepo. Kabili tabakwete ne cimonwa ca pa lwalala ukufuma kuli Shikulu. Kabili ne ca kukabila icikulu!

²⁵ Kabili Lesa alilaya uku kwanisha ifya kukabila fya ino nshita. Efyo acita lyonse. Kabili tulekabila Ishiwi lyakwa Lesa ilelo, paku kwanisha ifya kukabila fya ino nshita, paku kumanya inshita iyo tuleikalamo. Kabili panuma Aisa laya, kuti twaba aba shininkisha ukutila Aka sunga ubulayo Bwakwe. Ebu cetekelo ubo uwacetekela akwata muli Kalenga wakwe, ukuti Ali laya uku kumanya ifya kukabila.

²⁶ Kabili, ilelo, umulandu umo uwo ulukuta lubelele mu musango lubelelemo, ni pa kuti kuli amashiwi ayengi, amashiwi ayengi yambi aya ku cebusha ulukuta ukufuma kwi Shiwi lya kwa Lesa, mpaka caba ica kutwishika ukuti abengi kuti baumfwa kwi Shiwi lya kwa Lesa nangu Lisoswe pa kati kabo pene. Limbi kuti bafilwa no ku Ciiluka, pantu kuti Caba iceni kuli bene. Bali posesha amano sana ku masihiwi ya ino nshita!

²⁷ Kabili nga twamona, muku belenga kwe Lembo lyesu, ukutila Ishiwi lya kwa Lesa lyali iliyeni kuli bena.

²⁸ Kabili na caluka filya fine na kabili ilelo, ukuti Ishiwi lya kwa Lesa . . . Kuliko ama shiwi ayengi yambi. Kabili nga cakuti Lesa alilaile Akatupela Cilya, na kabili nga cakuti ama shiwi yambi yaba aya pusanako kwi Shiwi lya kwa Lesa, lyena ninshi

lishiwi lya mulwani, kukutu fulunganya, ukuti twinga filwa ukwiluka Ishiwi lya kwa Lesa ilintu Lya soswa.

²⁹ Kabili tulesanga ukuti cali cintu icapalana nga filya cali kuli Eli na Samwele, lelo Eli alishibe palya pene ukuti ni Lesa. Kabili cali umupwilapo u—u muponto pali Eli. Pantu, Ishiwi lya kwa Lesa, ukusosa kuli Samwele, lyali mwebele palwa kwa Eli ifilubo alepanga, pantu alyonawile abana baume bakwe, kabili balesenda indalama kabili—kabili ne nama ukufuma mu fya musangulo. Ico tacali ica lungama. Kabili balecita ifintu mu kuluba, ukupusana ne Cebo ca kwa Lesa.

³⁰ Kabili Samwele aali. . . icintu fye ico Samwele aali no kucita, ku landa ukufikapo. Kabili ali uwa fyangusha mu kucite co, pantu cali icapusanako ne ncende iyo atuminweko ukuya ikalamo, Eli kabili mwi tempele. Nomba Eli atiile, “Landa fye.” Mwamona? Kabili alimwebele filya fine ifyali no kwisa citika, ukuti Samwele. . . atemwa, “Eli inshiku shakwe na shipwa, nga shimapepo,” pantu Lesa nasosa, na Lesa aletuma Imbila Yakwe ukupitila muli Samwele kasesema. Uwa fyelwe ifyaibela, uwapeleshe kuli Shikulu ukufuma ku bwaice bwakwe. Lesa alisosele kuli ena, ilintu acili umwana umunono, kabili alemupekanya ukubomba umulimo uwali ku ntanshi yakwe. Kabili Eli inshita yakwe yaile ilepwa.

³¹ Kuliko amashiwi ayengi mu calo ilelo, ica kuti naciba ica yafya sana, pantu na yapwisha amaka Ishiwi lya Wapulamo. Kuliko amashiwi aya soswa bwino, amashiwi ayengi aya pamulu sana, amashiwi ya baume ba bulamba aba sambilila sana, ica kuti, mumano yabo aya kwishibisha sana, kuti basunkanya ne fyalo. Te bantu aba pa kashita akanono, lelo bala sunkanya ifyalo, ukuleta utubungwe tukalamba pamo, uku sabankanya uku kalamba, ukwayafya. Kabili no muntu kuti aba uwa fulunganishiwako panono. Fili ifya anguka uku bafulunganya, ifyo ifi fintu ba fisenda no ku lunduluka. Kabili kwalibako amashiwi aya—aya sakamuka no kucita ifi fintu, kabili filenga Ishiwi lya kwa Lesa uku letwa kunuma, ye Shiwi lya kwa Lesa ilya cine.

³² “Kabili ne Shiwi lya kwa Lesa,” batila, “tukeshiba shani ukuti li Shiwi lya kwa Lesa?” Pantu, lelo fye. . . Kanshi ninshi cali muli kasesema uwa shininkishiwa. Nomba, lelo, twishiba shani ukuti li Shiwi lya kwa Lesa, pantu kulangishiwa kwa Icebo ca kwa kasesema. *Uyu* ni kasesema wa kwa Lesa. Kabili ne Shiwi lya kwa Lesa ilya cine liletapo Lesa uwa fikapo, uwa mweo, uwa Pulamo, ne Shiwi lya Kwe ilya Pulamo, no kumonekela ukwa Pulamo ukwa Cebo ica Cine. Kanshi kuti twaishiba Ati Cebo ca kwa Lesa. Pantu, na cilya ica Pula- . . . Fili ifingi mu mishinku imbi, ifya bwesesho Cilya kunuma. Nomba, ibukisheni, Cika moneka ica bengeshima, Cikesa citika! Cikacita ico.

³³ Nomba, kuliko ishiwi ilelo mwi sonde lya fikansa fya calo. Ilyo lishiwi ili kalamba. Kabili na bantu, mu cine fye, muli ino inshita ya fikansa fya calo, baka. . . Fili fye ifya sankana muma chalici yabo na fyonse. Kabili ne nshita iyitali, ifyo eflyo tumwene pali nomba, ukuti ishiwi lya fikansa fya calo nali kwatishapo amaka ukucila Ishiwi lyakwa Lesa mu ma chalici, atemwa abena America nga tabacitile ifyo balecita ilelo. Mwamona? Nga tabaacitile ici. Nga cakuti Ishiwi lya kwa Lesa lyali sungililwe ilya mweo mu lukuta, nga taba pangile ico icilubo. Lelo ishiwi lya fikansa fya calo nalikwatishapo sana amaka ukucila Ishiwi lya kwa Lesa, mpaka abantu basuka ba shitisha ububeli bwa bwina Kristu bwabo pa mulandu wa kukasabana kwa kulumbuka, ama sambililo, kabili na maka ya fikansa fya calo. Cintu ica nsoni sana ukucimona. Cilya cine icintu icalo cesu ca pangile, ifyo capangilwepo, abantu bali calukile kabili—kabili no kusala icintu ico twashile icalo cimbi. Kabili na—kabili na ba Plymouth Rock, kabili na *Mayflower* na fimbi, fya isaisapo kabili—kabili no kuletapo ubunonshi bwa calo ubukulu ubo twa kwata. E cintu cimo cine twalwishishe sana ukufumamo, twaibwekesha fwe bene muli munkonto sha cilya cine, pantu Baibele yalilanda ukuti filya fine eflyo cikaba.

³⁴ Kabili ne mibele ya kwa Eli: shimapepo mu cifulo ca kwa kasesema. Kasesema Cebo. Na shimapepo aali lukuta.

³⁵ Kabili na cisa fika pa ncende apo ca ambako ukupalamina sana ica kuti ne Cebo ca aluka iceni ku bantu. Teti ba Cipokelele. Elyo kuti wa Cishimikila, kabili bakana uku Cipokelele, pantu taba kanshiwa kuli Ici. Paulo atile, “Nga cakuti intandala ya pela iciunda icaibela, ni ani uwingeshiba uku ipekanya ukuya ku nkondo?”

³⁶ Abantu ba kanshiwa kwi—kwi—kwi shiwi lya chalici, ku ntandala ya chalici, “Twali kwatisha ifingi muli Sande sukulu wesu ukucila bonse aba.” Ico tacipilibula akantu nangu kamo. “Twali kwatisha ifingi mu cilonganino cesu ukucila bonse aba. Ifwe ni fwe twa kulishapo ukucila ifi ifilonganino.” Mwamona, e musango we shiwi abantu ba kanshiwako. Mu misebo, balaya no kuya senda abantu kabili no ku ba lunda kuli bena. Amakana ama kumi uku tamusha na makana muku sabankanya kwabo ukwamaka, bala ba lundako. Cinshi ico balefwaisha? “Twali kwatisha ulukuta ulu kalamba. Twa kwata icilonganino icikalamba. Twa kwata ibumba ilikalamba ilya Sande sukulu. Ba mwine mushi ba muli uno musumba besa ku chalici ku mwesu.” Ifyo kuti limbi fyaba bwino, lelo nga cakuti ico cine ichalici ta cakanshiwa kwi Shiwi lya kwa Lesa, Intandala ya Mbila nsuma, busuma nshi finga bacitila?

³⁷ Kabili icintu nga caima nga filya fine caimine mu kati ka buteko bwesu, cinshi ca citike? Ulukuta ta lwa ishibe Ishiwi lya Ntandala, kabili tabaishibe ne fya kucita. Ama bulayo aya kalamba aya ku lunduluka, ipaka ilya sambilila lileisa, kabili

baishileya kuli cilya cine cintu ico Baibele ya sobele, no kwisa ciletamo. Mwamona, ishiwi lya fikansa fya calo! Kabili cali shininkishe ukuti cali pitilile Ishiwi lya mipepele, nga te ifyo nga ta bacitile ico bacitile, Ishiwi lya Mbila nsuma. Pantu bali tulaya ifintu ifingi, bali tulaya ubunonshi, kabili ukwabula ukutwishika nomba ico tuka kwata.

³⁸ Nomba, nangu cabefi, ico tacipilibula icili conse ku wa cetekela. Natu kupukule mwi Buuku lya ba Hebele, pa chipandwa ca 11, umfweni kuli Paulo Umutakatifu ifyo alesosa, ifyo bali, mu nshiku, “Balubantike mu mikupo ya mpanga ne mikupo ya mbushi, bali culile, ukwabula apa kwikala, bafililwe ukwingila mu musumba.”

³⁹ Nale belenga mu Nicaea Council, ilyo ama lyashi yakalamba yaimine mu Nicaea, Rome, panuma ya myaka imyanda itatu apafwilile Kristu, mu Nicaea Council mukalamba, ilyo ulukuta lukalamba lulya ulwa iminine pa cali ica lungama, bena bafwaile Baibele. Kabili na ba ci Roma aba balilepo ulukuta lwaku Rome baishile ingishamo ama sambilisho, aya kutila, nga filya, twa kwata Icimishimishi.

⁴⁰ Icimishimishi, Kristu ta fyelwe pa bushiku bwa makumi yabili na-shisano mu—mu mwenshi wa Mupundu nga filya ifyo Nali. Mulandu nshi, mu mpili sha Yudea mwali amenshi makasa, kabili, Ala . . . Cila pusana na ma busesemo yonse aya mu Baibele. Afyelwe mu nshita ya kutalalila, nga filya impanga shonse shifyalwa. Cinshi Afyalilwe mwitanga ukucila mu nanda? Aali ni Mpanga. Ninshi Ta twelwe ku cintamba atemwa ku cintamba Cakwe palya Atanikilwe, pa lupanda? Atwelwe ku lupanda. Mutwala impanga mukwipaiwa. Aali ni Mpanga. Lyena Afyelwe ilyo impanga shi fyalwa.

⁴¹ Nomba, mwamona, ukucita ico, balikwete ubushiku bwa kufyalwa kwa ka lesa ka-kasuba, ico, ukulingana nefyo ifyalo fyenda, a—akasuba mu nshiku shisano ukufuma pa bushiku bwa ama kumi yabili mu mwenshi wa Mupundu ukushinta na pa bushiku bwa ama kumi yabili na-shisano umwenshi umo wine uwa Mupundu, ukwenda teti tukupende, ukwa kasuba. Fi—fipusana fye panono cila bushiku, bule lepelako fye kabili bwa lepelako na kabili bwa lepelako mpaka bwafika pa bushiku ubwa lepelako mu mwenshi wa Cikungu lupepo. Elyo kabili, mu mwenshi wa Mupundu, umwaba ubushiku ubwa ipipisha. Elyo kabili kalya kashita akanono akapa bushiku bwa makumi yabili na-shisano, ukufuma pa makumi yabili ukushinta pa makumi yabili na-shisano, balikwete umu sonkano wa ci Roma kabili no kusefya kwa kufyalwa kwa ka lesa ka-kasuba. Kanshi ilintu Jupiter, uwali ni lesa wa ci Roma, elyo kabili baisesa ingishamo, mukulanda ukuti, “Twalabula Umwana wakwa Lesa no bushiku bwa kufyalwa kwa ka lesa ka-kasuba, ukusankanya ifi pamo pa kutila tukwate ukusefya kumo uku kalamba.”

Ifyo fyali pusanako! Kabili, iye, ifya kwingishamo ubwingi babikile mulya!

⁴² Kabili ne lintu bena abaume bakwa Lesa abafwaile ukwikala ne Cebo, abali nga Polycarp, Iranaeus, Martin, abo impalume, aba tangilile, abaume abashila aba fwaile ukwikala ne Cishinka . . . Kabili ilintu ba ciletele ku Nicaea Council, bamo pali abo abantu bali naba lekeleshiwa mpaka ba kasesema baisa ukufuma mu matololo ukwabula nangu cimo pa mibili yabo kano fye akapimpinya ka mukupo wa mpanga, ukuya sangwamo mulya mu musonkano. Nomba balishibe Icebo ca kwa Shikulu. Nomba icilumba, panuma ya nshiku ikumi limo na shisano ilyo kwali ifikansa sana ifya buteeko, kabili no Ku fisuula. Elyo twakwete imyaka ikana limo iya luko ulwafita, mwamona.

⁴³ Nomba Lesa alilaile ukutila ukutila Intandala ikesa lila na kabili. Lyonse abantu balomfwa kwi Shiwi lya cine ilya Cebo, lyonse mulelingulula ifyo mulecita ukupitila mu Cebo.

⁴⁴ Ishiwi lya fikansa fya buteko. Kabili naifwe mu America ne sonde mpanga yonse, twalikwata ishwi ili kalamba ilelo, kabili takuli cimbi kano ishiwi lya Hollywood. Lya likata isonde. Leken i umu afume ku Hollywood ne cili conse, mukasanga caisula icalo conse. Nomba, tulesanga ukuti bali pingula ifya kukonka bana mayo besu, pa mifwalile, ifyo bafwile ukusunga imishishi yabo. Balipingula ifyo imishishi ifwile ukuba.

⁴⁵ Ulukuta lufwile ukwishiba Ishiwi lya Ntandala ya kwa Lesa pali co! Nomba kwaliba icimfulunganya sana pantu kuti mwasanga bambi bacita ifyo fine, ifya kumwenako. Tekweshu kumuikumikako ku fya kumwenako fya musango uyo, pantu filonauka. Lyonse muleumfwa Ishiwi lya kwa Lesa, ifyo Ena alanda pa lwa ico.

⁴⁶ Na kabili tulesanga, pa Hollywood, balaletapo ifintu. Kabili lekeni nsose pa kashita akanono pali ici ilyo tatulati tuye pa ntanshi. Papita inshita iyi nono kwaliko icintu cimo icaishile, ukuti u—umuntu ku Hollywood . . . Apa nomba takuli ati nalipata umuntu, muntunse uwo Kristu afwilile, nomba ku milangako fye. Bali londola icintu cimo ico baleita, abana abanono baleita ati “hula-hoop,” hula-hoop, atemwa ifya palako. Kabili nga cakuti kuti mwamona ifya musalula na fimbipo ifi tumbukamo, mu bana abanono. Tafisa mukuwama.

⁴⁷ Nomba, Hollywood yaisulamo na—na abalwa ne mfuti. Nomba, uuli onse uwaishiba ilyashi lya kale, alishiba ukuti aba bantu kunuma munshita ya kale, abalelwa ne mfuti nga filya na—na bambi abanabo, tabali abekashi abatuntulu, bali ba cisanguka, baali nga Al Capone na Dillinger. Balikwata ubwangalo bwa Hollywood ubo beta ati, pa—pa bunkolanya, beta ati, “Icushi ca mfuti.” Kabili Na lyumfwile muli filya ba *Bebetelamo* bulya bushiku ukutila umwine wa bwangalo, Arness atemwa ifya palako, atemwa Arness, atemwa Na laba ishina

lyakwe, kabili alingile ukubula . . . Emininako Matt Dillon uwali kapokola ku Kansas. Kabili Matt Dillon ali uwa mutuntula nga kalulu. Apikile abantu amakumi yabili na cine konse konse munuma, abantu aba kaele, aleya kunse ya musumba wa Dodge City no kulapembelela mumpanga. Kabili nga cakuti umuntu aisa, ulya muntu aalemwita no kumweba ati kuliko icipondo icileisa, nomba iminina apa elyo, lilya umuntu aisa, amupika imfuti kunuma. Nomba twasanga ukuti “bali mucindika” ici shawama. Ninshi, ku—ku lungamika ulubembu umupwilapo. Nomba abana ba mucalo cesu kuti bakulondolwela ifingi pali Matt Dillon ukucila ifyo banga kulondolwela pali Yesu Kristu. Ama—ama—ama tuka, ama tuka ayo beta ati ten-cent stores, namulya bashitika ifyakufwala, mwaisula imfuti sha bana banono—banono isho bakobaika, nefisote ifyo—ifyo mwinga shita ukuli konse. Cili fye bwino uku fwala ifyo, lelo Nde—Ndemwebako fye, mwamona. Elyo aba—aba, mu fya makwebo ya mwi sonde, ba cibula noku pangamo icuma imintapendwa ya ndalama sha ku America.

48 Twalikwata ifyo twita ati “Ubushiku bwakwa Patrick Umutakati,” twalikwata ifyo twita ukuti “ukutusha kwa bukapepa.” Kabili naba makwebo ya mwi sonde naba cibula, kabili bala pangamo imintapendwa ya ndalama sha ku America. “Ubushiku bwaba Nacifyashi,” icisankunta ca maluba. Ninshi, pantu ubushiku bonse bufwile ukuba bushiku bwacindama kuli nacifyashi. Bali kumbi uko, bali kota, kabiye ubamone. Ico kuti cacila napa maluba ayo winga batumina, nangu icili conse. Mwamona, nomba bala cibula. Lishiwi, kabili—kabili tulaisanshako kuli ici. Tacalungama iyo. Nomba mukacita finshi? Mwamona, tuli—tuli fye . . .

49 Ndeesha ukufika pa cikomo pakuti imyebeko cimo, ico Na—Nacetekela. Ishiwi talyaseka, Ishiwi lya kwa Lesa.

50 Nomba, twasanga ukuti balipangile ulutampulo. Elyo bushe mwalishibe? Abalumendo besu balyaluka ba “Ricky” naba “Elvis.” Mwainika no mwana ishina ilyo, mwinikeni limbi mukwangufyanya, mwiteni ati “uwa kubalilapo” atemwa “uwa cibili” atemwa ifya palako. Tekweshwa, ico ca muselu . . . Mwatila, “Bupusano nshi ishina linga panga?” Mulandu nshi, cacine, cila pilibulapo cimo. Ishina lyobe lilemaninako imibele imo mu mweo obe. “Nomba, Munyina Branham, ulelanda pafya kupendawila.” Awe, tepo Ndi! Ndi pali EFYA SOSA SHIKULU! Ninshi cabelele filya kuli Yakobo, aikele ukulingana ne shina lya kwe, nga—nga kabepa, uwapokele ububeli, Yakobo. Ne lintu Lesa amupilibwile, Ali pilibwile ne shina. Lesa alipilibwile Shauli muli Paulo, Simoni muli Petro. Mu cine fye, ishina lya likwata ubupilibulo. Kabili Ricky na Elvis, na yambi amashina aya musango uyo, mashina aya America wa nomba ya longola umwana umwabela amashina yene ukwabula ukwibukila. Mwamona ico Ndepilibula?

51 Nomba, Ndesubila Nshile . . . Cawama na konkomesha kabili no kukanaya apatali pali ci, (mwamona ifyo Ndepilibula?) icakuti limbi kuti mwafilwa ukwiluka. Nomba fyonse ifintu ifi teti filukwe na kumuntu yaweyawe. Balafilwa ukufyumfwa, pantu bakwata umutande umo wine. Efyo bomfwako, ayo amashiwi.

52 Kwabako ishiwi lya basambilila imibeele kabili no bwikashi bwa muntunse, ifya Mulinganya, ukulaya fimo ifyo teti bafikilishe. Ilintu ne mpendwa ya cina bwingi ca America balisendwa ne fya Mulinganya. Nomba, Nalisangwa mu fya Mulinganya, incende umwaba ifya Mulinganya, atemwa ntile, mu Germany, ku kabanga ka Berlin. Balikwete amayanda aya kalamba ku kulangisha kunse. Ufwile ukwingila mukati pa kushininkisha, tabaapwisha no kukuula mukati. Bunonshi ubwa bufi, baleesha fye ukupatikisha fimo.

53 Kabili, na mu Russia, umo ifya Mulinganya fya tendekele . . . Ilintu, imyaka iyingi kunuma, ilyo Nali kashimikila umulumendo, kuti Natila papita imyaka amakumi yatatu kabili ne myaka itatu, ilyo Ukuteeka kwa bunkalwe, no Buteeko ubushisuminisha utubungwe tumbi ukukwatapo insambu ne fya Mulinganya fya letendeke, Natiile, “Nandila mwi Shina lya kwa Shikulu! Fyonse fikesapelela mu fya Mulinganya.” Nomba, mwali tontonkenyepo, Lesa alitushiila inshila ya kufuminamo, icile kabilwa nifwe ukubuula. Kwaba fye akaputulwa kamo mu Russia aka fya Mulinganya, akaputulwa fye kamo, lelo eba tungulula. Akaputulwa kamo aka fya Mulinganya . . . akaputulwa kamo aka Russia ka fya Mulinganya, nangu caba ifyo, bala tungulula.

54 Kabili ne cintu cimo cine, Hollywood ni ncende imo, lelo eba tungulula.

55 Ukufika pa ciputulwa cimo pali fitatu atemwa fibili pali fitatu iya cina bwingi United States balaya ku chalici, kabili ni ba membala ba mu chalici, nomba balatungulula mulya mu filonganino.

56 Ifyo Ifya Mulinganya file kabila kulya li Shiwi lya kwa Lesa ukwima pakati kabo, kabili e Likesa fileta pa bwelu.

57 Mu Finland, ilintu ulya mulumendo abushiwe ku bafwa bulya bushiku, kabili baishile ntwala akatalamukila intamfu patatu, ukufuma apo uyu mulumendo abushiwe, ukufuma ku baafwa; abashilika ba fya Mulinganya, abena Russia, nabeminina palya nulya umucinshi wa Russia, ne filamba filekunkuluka pa masaya yabo. Batiile, “Tule pokelela Lesa uwingondapa abaafwa.” Bulekelesha bwa chalici yaba Katolika na chalici yaba Lutheran, kabili na fyonse ifilonganino, kabili balebuula lonse ulupiya, nokukuula utubungwe, no kukana pela abantu akali konse. Bekala kwati bantu yaweyawe. Kufwile kwaba . . .

58 Ifyo Russia alekabila ni kasesema ukwima pa ncende ne Cebo cakwa Shikulu, icinge—icinge sala akanwa. Elintu iciputulwa ukufika na pa makumi pabula cinga buula ulubali.

59 Ico America ilekabila li Shiwi lya kwa kasesema wa kwa Lesa, uwingesa iminina no kuseka Hollywood, no kuseka ifi fintu mwi Shina lya kwa Yesu Kristu, kabili no Lukuta lwa Mupashi wa Mushilo ukubuula ulubali. Ifi nfulunganya na ficila, mwamona, amashiwi nayafula aya pusene na Cena.

60 Ulukuta, ishiwi lya luko, cilamuntu alefwaya ba membala abengi. Ba Baptist balefwaya bonse, ba Methodist balefwaya bonse, ba Presbyterian. Bonse ifwe twalikwata ifi. Kabili na Katolika alemoneka kwati aka ficinfya fyonse fyonse, kabili ba kacinfiwa. Ifyo efyaba Ishiwi lya kwa Lesa ukufuma muli Baibele iyi. Bakateeka.

61 Nomba Lesa Uwa Pulamo mukulekelesha akateeka. Aba Shila eba kateeka, ubushiku bumo, efyo Baibele yasosa. Ba kateeka.

62 Icintu ica bulanda sana cakuti amashiwi nayafula! Elyo nomba kuli ne shiwi lyakwa kasesema wa bufi. Ishiwi ilya bipisha, ilya muntu uuleiita umwine ati kasesema. Kasesema, na kuba, ni kashimikila. Ishiwi lya nomba ilitila “kasesema” umupwilapo lipilibula “umwaume uushimikila pesamba lya kusubwa.” Kulabako umuntu uwimanina no kuiita ati kasesema, kabili akana Icebo ca kwa Lesa, akana Iceine ca kwa Lesa. Kuli amashiwi ayengi!

63 Akashita fye akanono akapitapo, kwaciba munyina umo uwa ci ntungulula ukwisa fika kuno, nomba Nde. . . elenganya acila sunguka umulandu Naci konkanishapo ukuya pa mulu naisa aluluka nabwelela nakunuma. Nga uli muno, munyina, Nacila umfwako fimo, caciba ni—ni ba munyina wesu bacibusa ababa mukumoneka pakati ka basungu na ba cifita, abafita. Balikwata itempele kuno, kabili balita ati, “ni Elijah Mohammed,” atemwa ifya palako, “umunono Elijah Mohammed.” Ukulaima ne shiwi, kabili no kutila bena eshiwi ili kafunya uluko lwa—lwa baba mukumoneka pakati ka basungu na ba cifita mu bwafya bapitamo. Ico, mwamona, cilya cine icintu, Moslem yabo—yabo—yabo epoili, Mosque yabo. Mulandu nshi, tamumwene, ukutila ne ntendekelo fye ya ciko ine, yali lubana!

64 Abantu ababa mukumoneka pakati ka basungu na ba cifita, nga filya abasungu, abafiitulukila, aba mutuntula, te kubwekela kuli—kubwekela ku mipepele ya ci Mohammedan, lelo ukwisa kuli Kristu, ifikomo fimo fine ifyo Baibele isambilisha. Imipepele ya ci Mohammedan yalipusana ne Cebo. Nomba, Nalikwete ishuko lya kutungulula amakana ikumi aba mipepele ya ci Mohammedan kuli Kristu inshita imo ku Durban, South Africa. Taciletapo nangu cimo lelo ifya saikoloji. Kabili na saikoloji yaliba fye bwino icikulu fye saikoloji taile kana Icebo.

Nomba ilintu saikoloji yakana Icebo, ninshi saikoloji yabipa. Cisa mukupela iciunda icaiabela. Ifintu fyonse fikapita lelo Icebo ca kwa Lesa, Yesu alisosele ifyo, “Imyulu ne sonde fikapita, lelo Icebo Candi tacakapite.” Eico, mwamona tufwile twaikala ne Cebo, Ishiwi.

⁶⁵ Ifintu ifingi ifya cifulunganya! Abantu balema, tabaishiba ne Cebo, kabili balalandapo ne fintu, na limbi fya umfwikapo na bwino. Ifya Mulinganya fintu ifyumfwika bwino, “Bonse baba fye cimo cine. Takwaba ba cita Amakwebo lelo icuma tacileya ku buteeko nomba, bonse ba fya Mulinganya.” Bushe mwalimininapo no kutontokanya ukutila kupuputulwa ukwa bufi, uko ifya Mulinganya fyaba? Elyo kabili acipalenywe kwisa? Ba . . . Yesu atile, “Iyi mipashi ibili ikaba iya palana sana, nga cinga citwa kuti ya lufya naba Cetekela.” Kabili na conse chiwa akwata, cakupondamika kuco Lesa alengele. Ulubembu ni—ni ubulungami ubwa pondamikwa. Ubufi Cishinka ica letwa bubibubi. Ubucende ni—ni, ico Lesa atulashikileko, lelo capondamikwa. Konse ukukana cetekela kucetekela ukwa pondamikwa. Mufwile ukukana Icebo pakuti mukwate ica—ica pondamikwa. Mwamona, ololeni aya mashiwi, esheni ukupitila mu Cebo no kumona nga ca Cine.

⁶⁶ Iye, ifyo twinga konkanyapo tuleya fye tuleya fye, pali aya mashiwi ya nomba, nomba inshita yesu yapita. Nomba, amashiwi yaba ayengi icakuti abantu tabeshibe ne cakucita. Ba Methodist mukulekelesha bakomfwa kashimikila wa ku Baptist, bakaya kulya kwine, bakesa lolalako palya panono no kuya kuli ba Lutheran. Namuli ba Pentecostal, ba kwata amabumba aya pusana, ili bumba lya butukila kwi bumba limbi, na kabili ili lya butukila ku linankwe, ukubwela no kubwekelamo. Cilangisha ukuti tawaba uwa limbwa. Umfweni Ishiwi Lyakwe! Apa Epo cili, calilembwa pepepala, Ishiwi, Ishiwi lika shininkishiwa nga cakuti Ca Cine.

⁶⁷ Ulukuta lwa mwi sonde talwishibe ica kucita, isonde lya fikansa fya buteko lili mu cifulunganya. Fyonse fintu filemoneka fili mucifulunganya. Abanensu balabutuka ukufuma kuno, ifintu fimo fyaisapo, ifya ma jaketi, ama koti. Ilintu Nali ku Rome, balikwete imisomali iya shininkishiwa ikumi limo na pabula iyapusana pusana iyo bapopele mundupi shakwa Yesu; kabili shashalapo fye shitatu, libe balikwata ne cipendo ica kuti imisomali yali ikumi na pabula iyapusana pusana. Nomba, bupusano nshi cinga panga uwakwata imisomali? Kristu tatushilile imisomali uku shipepa, Atushilile Umupashi wa Mushilo, ukupitila mu Cebo Cakwe! “Ifi fishibilo fikabakonka abo aba cetekela, baka kwata imisomali ilya ine iyakale”? “Baka kwata . . . Ifi fishibilo fikabakonka abo aba cetekela, baka ilunda ku cilonganano Natendeke”? Tatendeke nangu cimo. Mwamona ifyo ishiwi lya pusanako?

68 Nomba, “Ifi fishibilo fikabakonka abo aba cetekela; mwi Shina Lyandi baka tamfishamo ifiwa.” Ico e Cebo. “Bakalandila mundimi ishitya; bakekata insoka, tashakabacite nangu kamo. Nga banwa ica bwanga, taca kabacite akabi. Nga babika indupi shabo pa balwele, bakapola.” Kabili mulamona ifi fintu ukulundapo na Malembo yonse ukubikwa pamo.

69 Lelo, ico ceka palwa ciko teti ci, cishininkishe, mupamba. Palya nomba ifwe ba Pentecostal epo tuya mu nshila iya lubana. Bushe te Yesu uwatile, “Abengi bakesa kuli Ine muli bulya bushiku, no kutila, ‘Shikulu, bushe Nshacita ifipesha mano mwi Shina Lyenu? Bushe Nshasesema mwi Shina Lyenu? Bushe Nshacita fyonse ifi mwi Shina Lyenu?’” Na Yesu akatila, “Fumeni kuli Ine, ba kacita wa mampulu, Nsha mwishibe.” Bushe mulemona, ba nkashi naba munyina, ico Ndeebawila no kususha iyi nkulo? Limbi kuti walanda mundimi sha bantu kabili ne sha ba Malaika, kuti limbi wa shanina mu Mupashi uku shinguluka ichalici, ico tacili akantu nangu kamo kuli Cena.

70 Nalimonapo ba Mohammed ukushana baeshinguluka filya. Nalyumfwapo muli shijanga...munkambi ya kwa shijanga, ukumona indoshi shaiminina no kulandila mundimi no kushiilula, no kulanda filya fine ifikesa citika, kabili fyaisa citika filya fine. Nalimonapo na kalembelo ukwima palwa kako no kulemba mu ndimi ishi shaishibikwa, naumo fye palya ewinga belenga, kabili cali cakwa chiwa. Teti ushintilile ubwikashi bobbe ubwa Muyayaya pa fya kumfwa umfwa. Satana kuti apashanya fyonse ifyo ifya kumfwa umfwa. Te...Kwishiba Kristu, fimo fifwile ukupilibuka mumweo obe. Lola pa mweo obe no ku ulinganya ne Cebo, no kumona apo uli. Ukulolesha kufya kunuma, icine cine.

71 Nangu kwaba ifi fyonse ifya kupashanya, amashiwi aya bufi, ba kasesema aba bufi, fyonse ifi fintu ifileima, Yesu ena atiile, nangu ifintu fyaba ifi, “Nga cakuti umuntu onse aumfwa Ishiwi Lyandi no ku Nkonka.” Ena e Cebo. Umfweni, umulimo Apela kuli ifwe ilelo, mu mashiwi yonse aya. Ico, Nacitila kuti casenda insa ishingilile ukulondolola amashiwi yonse aya. Kabili kuti caba ca kufulunganya ku bantu, cintu ica bipisha. Kabili, nakuba, teti mukwate ishuko umuku wa cibili, mufwile mwa Cipokelela apa pene. Limbi teti ukwate ishuko bunobushiku. Limbi teti ukwate ishuko ubushiku bwa mailo. Ni nomba! “Ilyo waumfwa Ishiwi Lyandi, wikosha umutima obe, nga munshita ya kusonsomba. Aka kene e kashita. Iyi ine e nshita iya kuti umuntu angomfwa Ishiwi Lyandi.” Ici cakonkanyapo ukulanga ukuti Ishiwi Lyakwe likabako pakati ka ici cifulunganya. Acili na kwata Ishiwi! Mulandu nshi? Ishiwi Lyakwe likeminina. Efyo cili, “Imyulu ne sonde fikapita, lelo Ishiwi Lyandi talya kapite,” Ishiwi Lyakwe.

72 Natubule, ntile, ama miniti yasano, mukwangufyanya. Kuti mwacita ico, bushe mwalashipikisha ukufika apo, atemwa ama miniti ayanono fye? Nomba, Nala angufyanya. Natubuleko fye

aba umfwile Ishiwi kabili no ku Linakila. Ifyo Lya balengele ukubomba, ifyo Lya balengele ukucita. Nomba Nalacilila ayengi ama—Amalemba apa, pa kutila fye inungamike bwino bwino kuli imwe ifyo Capilibwile imyeo yabo na bonse abo bali nabo, ifyo baalwike abaibelako, twita ati “icaibelako.” Umuntu onse uwacetekele Lesa, aleitwa uwaibelako. Pantu, nga uli mumibele ye sonde, kuliko cimo icalubana naiwe. Ukuba umwina Kristu ufwile ukuba uwaibelako. “Pantu bonse abekala bulesa muli Kristu Yesu bakapita mufya kupakaswa mwi sonde. Aali mwi sonde, kabili ne sonde lya lengelwe na Ena, kabili ne sonde talya Mwishibe.” Mukwangufyanya nomba, umfwikisheni ilyo tuleisala.

⁷³ Adam alyumfwile Ishiwi Lyakwe, munshita ilyo akasuba kafuukile, kabili alikwete ne senge na Ena. Takwali ukusekwa kuli Adam. Alyumfwile Ishiwi lya kwa Lesa, kabili atiile, “Tata, nomba Inambalaleko panshi no kusendama.” Kabili efyo atushishe, na Efa mu maboko yakwe, inkalamo, imbwili, ne finama fya mpanga fya lambalele ukumushinguluka, tafya musanshile, takwali ukulwala, takwali ukutwishika nga cakuti akashibuka ulucelo, baali no kushibuka. Adam aumfwile Ishiwi Lyakwe munshila iyo ali no ku Lyumfwilamo.

⁷⁴ Nomba ubushiku bumo aumfwile ishiwi lya mukashi wakwe. Cawama nasha ico ceka pa kashita. Nomba aumfwile kwi shiwi ilya lubana, libe cali mukashi wakwe, uwo akwete uwapalamineko sana kuli ena pe sonde. Mulandu nshi ena, nga Yobo, “Ulelanda ngo mwanakashi uushakwata amano”? Elyo nga cali fyo, uluko lonse ulwa muntunse nga lwaliba no mweo ukucila ukufwa. Capilibwile imibele ya muntunse ne nshita. Lelo alyumfwile Ishiwi lya kwa Lesa, alikwete isenge na Lyena, nomba ilintu apilibwike. . . . Aishibe shani ukuti umukashi wakwe ali muchilubo? Ibukisheni, cali icayemba.

⁷⁵ Tutontokanya ilelo ukuti icilonganino cesu, ichalici lyesu, tutontokanya ukuti ukulunduluka kwesu ni Lesa euleleta pakati kesu. Cilamoneka bwino. Calimoneke bwino ilintu Mikaya aiminine palya na ba kasesema imyanda ine, kabili ne calo conse cali cabo, na ba Pelishiti nabo balecifwaisha, atemwa abena Ashuri, calimoneke bwino. Aba ba kasesema balelanda, “Kabiyezi kulya, cilya calo cesu. Kasendeni!” Lelo talyali li Shiwi lya kwa Lesa. Kabili Mikaya aishile pilibuka no kutipa ishiwi. Nomba aishibe shani ifya kucita cilya? Pantu icimonwa cakwe califye icalingana ne Cebo. Iyo ine enshila epela iya ku cicetekelamo ilelo, ciligile ukuba pa Cebo.

⁷⁶ Nomba bushe mwacimona? Panuma Adam aumfwile kwi shiwi limbi ukucila Ishiwi lya kwa Lesa, umukashi wakwe fye. . . . Kabili no lukuta luleumfwa kwi shiwi lya cilonganino, ukulaingisha muli bene ama sambilisho mucifulo ca Cebo, ukubaleka ukwikala umusango onse uwo balefwaya ukwikalilamo. Cikulu fye baleya ku chalici kabili baba ba

membala ba chalici imo ifi, ecili icikankala. Ica kupalaminako sana ico uwa cetekela akwete pe sonde ilelo, kuli bena, lukuta. Nomba uwa cetekela, uwa cetekela ifya cine, ica kupalaminako sana Mupashi wa Mushilo, Icebo cakwa Lesa.

⁷⁷ Eico mwasanga ukutila Adam alilwike imibele yakwe, kabili alyumfwile ne Shiwi lya kwa Lesa lileita na kabili, kabili ninshi pali ilya nshita na fwala namabuula ya mukuyu. Nomba lyali Lishiwi lya kumupela umulandu, “Ninshi wacitila ifi?”

⁷⁸ Nshishibe nga America ilelo, atemwa isonde ilelo muli uku kwine kulumbanishiwa kwa bukapepa, nge fifine cili, na America ukulabuula, atemwa ukubuulwa, cikaba ni bukapepa bwa calo nomba line fye. [Tapali ama shiwi nangu yamo—Ka.]

⁷⁹ Ni ani alenkopa? Ninjishiba matepu kabili yakaya ukukumana isonde lyonse. Twalikwata ama bushimikilo yapa ma tepu, ica kuti Imbila shonse shakumana isonde lyonse, mu fyalo monse.

⁸⁰ Cisuma, nga cakuti mwamona no kulolekesha, umo mwiminine ni mu mabula ya mukuyu. Iintu Ishiwi lya kwa Lesa ilya cine lilefuma, tabeshibe ica kucita nalyo. Cili ica kufulunganya, tabeshibe ica kucita.

⁸¹ Mukwangufyanya, Noah alyumfwile Ishiwi lya kwa Lesa. Lya lepekanya ukupususha umweo wakwe, kabili alikonkele amafunde no kwiminina palya pene.

⁸² Nga cakuti umuntu aumfwa Ishiwi...Nomba umfweni, ikatisheni ici bwino bwino. Mwifilwa. Nga umuntu aumfwa Ishiwi lya Cimo, kabili nga Lya shininkishiwa ukuba Ishiwi lya kwa Lesa, kabili pa nshita iya linga, elyo kabili lya fuma mukanwa ka muntu, imyulu ne sonde fikapita lelo Icebo teti cipite.

⁸³ Noa alyumfwile Ishiwi, no kupela isonde umulandu. Kabili bali musekele pa menso yakwe pantu iyakwe—iyakwe Imbila tayalelingana ne fyo balefwaya ukusangamo mu fya kufwailikisha no kushininkisha, nomba yalishile loka no konaula isonde lyonse. Mwamona? Ishiwi lyakwe ilya soselwe, ulubuto luli palya. Cila nkulo ciba fye fimo fine.

⁸⁴ Samwele, ali basokele ilintu aumfwile Ishiwi lya kwa Lesa, ukuti aali no...aye no kupela umulandu Eli, umuntu uwa musungile. Umuntu uwali umusuma kuli ena uwa mukushishe no kumuliisha.

⁸⁵ Bakapyunga bamunyina, Nsuminisheni? Bakapyunga, inshita iyafula, pa fikomo na masambilisho ya cilonganino cabo, amasambililo yabo mu matumba yabo, aya kunakila, filya fine utubungwe twabasungile no kubaliisha kabili no kubemya kabili no kubapeela ififulo mu chalici, no kubabika mu cilonganino, kuti wasendwa kufyo basambilisha. Mwamona? Ifyo cingaba icintu icabipisha ilyo umubomfi wacine uwa kwa

Lesu panuma yakumfwa Ishiwi lya kwa Lesu elyo ukwisa bwelela ku kabungwe kamo kene, ukutula, “Muli aba umulandu pantu mwafilwa ukupokelela Icebo.” We cintu we!

Cali icakosa kuli Samwele. Lelo ali ni kasesema, alingile ukucicita. Temulandu nangula cilecena atemwa iyo, alingile ukucicita ifyo fine.

⁸⁶ Mose alyumfwile Ishiwi lya kwa Lesu. Aiswilemo amasambililo ya cipingo. Alishibe fyonse *mukati* na *kunse*, nombu tafya bombeke. Alyumfwile Ishiwi lya kwa Lesu, Mose taali cimo cine.

⁸⁷ Kabili takuli umuntu uwingaba cimo cine. Kuti limbi waumfwa na matwi yobe li—li lelanda Ishiwi, nombu ilyo waumfwa mu mutima obe, Ishiwi lilelanda, mwamona, ninshi uleumfwa. Teti mumone na menso yenu. Amenso ya kuloleshako fye mumwena ku mutima. Mwamonapo icintu cimo, mwatila, “Nshilecimona,” mulepilibula ukuti tamuciiluka. Teti mumfwe na matwi yenu, mumfwila mu mutima. Inshita ishingi amatwi yenu yalomfwa Ishiwi lya kwa Lesu, kabili Cilakuntika kuli imwe kwati filya amenshi yakuntika panuma ya cibata. Nombu lilya mumfwikisha, ni lilya mumfwila ku mutima.

⁸⁸ Kabili na yalya amasambililo ya cipingo Mose akwete, ninshi acili talati omfwe Ishiwi lya kwa Lesu. Nombu bushiku bumu Lesu aitile uyu umucemi uwa myaka amakumi cine konse konse kulubali lumu no kulanda kuli ena, kabili aali Cipokelele. Alishininkishe ukuti Aali ni Lesu. Icakubalilapo fye ico Acitile kuli Mose, cali kushininkisha Icebo Cakwe, “Ndeika panshi, Ninjibukisha ifyo Nalaile.”

⁸⁹ Kabili ici eco Alaile ku nshiku sha kulekelesha. Ukuti akemya abantu ukufuma mubena Fyalo, kabili na malayo yonse.

⁹⁰ “Ici Nalilaile.” Atille, “Mose, fula indyato shobe.” Mu mashiwi yambi, cindika Ici. “Nombu posa panshi inkonto yobe.” Kabili ne—ne nkonto iyauma iya muciswebebe ya alwike insoka, na Mose ali ikete, kabili yaishile bwekela munkonto na kabili. Mwamona? Alishibe ukuti ulya aali ni Lesu, pantu Lesu alilandile, Icebo cakwa Lesu, Icebo ico Alesosa, calandile, “Posa panshi inkonto iili mu maboko yobe.” Ico Cebo cakwa Lesu. Tekweshu ukucita cimo cine, icishili Cebo cakwa Lesu kuli iwe, icili Cebo cakwa Lesu kuli Mose. *Apa* epali Icebo cakwa Lesu kuli iwe! “Posa panshi inkonto.” Yaalwike mu nsoka. Atille, “Nombu uleitina? Ikatile kumucila,” kabili yaisa bwekelamo na kabili. Icebo cakwa Lesu kuli ena. Cinshi Acitile? Lesu alishininkishe Icebo Cakwe.

⁹¹ Nalikwete ubwite kuno papita imyenshi iyinono kunuma, ukulingana na, limbi, kwena, papitile umwaka umo ukucila umwaka umo. Umwanakashi uwacaice ifi umo pakupwa kwa kulanshanya kwa pali lamyu, na kashimikila wa ku Baptist

na kashimikila wa ku Pentecost. Atille, “Munyina Branham, Shikulu alimpanga kasesema umwanakashi.”

Natiile, “Cisuma.”

⁹² Atille, “Nawishiba, Nalyebwa ukuti watile ukuti wali—wali kwata ubunte ubwa kuti ubupyungishi bwandi bwafuma kuli Lesa.”

⁹³ Nomba, Nsha citile ico, cintu capusanako ne Cebo. Eico Natiile, “We mwanakashi, ico cilubo. Nakuba nsha kwishiba no ku kwishiba.”

⁹⁴ Kabili na kashimikila wa ku Baptist, Nali mumfwile, Nalyumfwile kashimikila wa ku Pentecostal. Atille, “Cisuma, Ndi nokukwata ukulongana kuno.” Elyo atilile, “Shikulu alecita ifintu ifikalamba.”

⁹⁵ Natiile, “Ndetotela pali ifyo.” Atille...Natiile, “Bushe Alibala akwebapo icili conse?”

Atille, “Ee, Ninkwata ubutantiko ubukalamba ubupekanishiwe.”

⁹⁶ Natiile, “Cikankala ico.” Natiile, “Nomba, butantiko nshi ubobe?” Natiile, “Nga Shikulu aakwebele shani?”

⁹⁷ “Atille, ‘Kabiye ku Phoenix, Arizona, pa bushiku bwa *pakuti-na-pakuti*, kabili Nkakupela Umukoti wa Dutchman uwo balufya uwa Golide, kabili ukabuula na iyi golide iyo ukasanga mulya elyo ukafwilishe ama minshoni ukushinguluke sonde.” Iintu ifwe bonse twalishiba ukuti Umukoti wa Dutchman lyashi lya kale ilya bufi. “Efyo Atille.”

⁹⁸ Natiile, “Cisuma, Nalakweba ifya kwishiba nga ni Lesa atemwa teo.” Natiile, “Ukaye kulya pali bulya bushiku. Kabili nga cakuti ukasanga ulya Umukoti wa Dutchman uwo balufya, ninshi ni Lesa. Nga cakuti tawakasange Umukoti wa Dutchman uwo balufya, lyena ukalapile nokufumyapo umupashi uwa bufi pali iwe.” Enshila iya kusangilamo nga cakuti ni Lesa atemwa iyo.

⁹⁹ Lesa atilile, “Mose, posa panshi inkonto, kabili yala aluka insoka.” Acitile ico. Atille, “Imya kabili yala aluka inkonto na kabili.” Acitile ico.

¹⁰⁰ Nga Lesa apanga ubulayo bwa bupyungishi muli shino nshiku sha kulekelesha, Aka cishininkisha filya fine Atille Akacita. Elyo mwingeshiba ukuti namukwata Ishiwi ilya lungama. Muleumfwa ku Cintu icalungama, pantu Cebo icileshinkishiwa. Mwamona, Iye, ifyo...Munjeleleko, Ndi... Cisuma.

¹⁰¹ Mose acitile ifyaibela. Lolesheni ifyo cali ica—ica kusekesha ica citile Mose. Nomba, lyonse ilyo ulekonka Ishiwi lya kwa Lesa, kuuba ishilu, kwi sonde. Ubushiku bwakonkelepo, Mose no mukashi wakwe basangilwe, pa cinama icifyalwa

ne finama fibili kabalwe na punda, no mwana wabo mu lutungu lwa kwa nyina, atemwa ico ca ku kapinda ka kukuso, “umwana” mu lutungu lwa kwa nyina, kabili bali palya. Uyu umwaume umukote no mwefu wakwe naupona nge *fi*, nepala lya kwe lilebeka, ne nkonto muminwe yakwe, aletungulula punda, ukutentemukila kulya ku Egupti ninshi alelwishanya ne myendele. Umo atiile, “Mose, nikwisa uleya?”

¹⁰² “Ndeya ku Egupti, mukuya pwishako umulandu umo ifi.” Ifyo afililwe ngo mulumendo, alifililwe ilyo aali umushilika, nomba aleya mukubuula icifulo. Elyo aali kwanishe. Mulandu nshi? Alyumfwile Ishiwi lya kwa Lesa kabili no kumona Lile shininkishiwa munshita yakwe, pa fintu ifyali no kuba munshita yakwe. Alifimwene.

¹⁰³ Paulo, umu Farise uwaibelele, ifyo aali uwaiswilemo ama sambililo ya cipingo, nomba bushiku bumo aumfwile Ishiwi lya kwa Lesa. Amwene Intumba ya Mulilo, kabili alishibe ukuti kwali cimo icapusanako. Caishile alula umweo wakwe. Te mulandu ni banga aba Farise, ni banga abena Gamaliele atemwa icili conse icale bilikisha kuli Paulo, “nauluba, nauluba,” Paulo alyumfwile Ishiwi lya kwa Lesa, alishibe ukutila Cali Cishinka.

¹⁰⁴ Petro, ifyo aali uwa bukapepa, uwalesunga intambi sha bakalamba, talelya ne nama. Awe, mukwai. Takwete icili conse ica kupusanako ku fyo alekonka. Icine cine alesunga intambi sha bakalamba, ukushinta na ku Cebo. Cinshi cacitike? Ubushiku bumo aumfwile Ishiwi lya kwa Lesa, “Wilaita ico ati ica yaweyawe kabili icisha sanguluka, nga cakuti Nasangulula.” Aali umuntu uwa pilibuka. Aali uwaipekanya ukuya konse uko Shikulu amutumine.

¹⁰⁵ Mukulekelesha, kuti Nasosa ifi. Kwaliko umwaume umo ifi uwali uwacetekela. Alifwile papita ne nshiku shine. Aali munshishi, alenunka, nabola, lelo aumfwile Ishiwi lya kwa Lesa lileita, “Lazaro, ima!” Kabili nga cakuti Calengele umuntu ukufuma kubafwa uwafwile no kubola nabola, ni finshi Cinga cita ku lukuta ilelo ulucili nalukwata umweo? Cifwile ukuba bushya ku bafwa, mukati ka ubu ubusanku bonse tulelandapo ubwa mashiwi, bukapepa, ifikansa fya buteko, Hollywood, ama busesemo yonse aya bufi na fyonse ifintu ifya bako. Mukati kaifi fyonse, Ishiwi lya cine ilya kwa Lesa liketa umuntu, uwafwa mu lubembu na mampulu, ku mweo na kabili. Lilingile ukubuula ulukuta ulwapona no kulwitila ku mweo na kabili. Cacine!

¹⁰⁶ Ibukisheni, mukulekelesha, Insose ici, elyo nomba Nalaisala. Yesu atiile, “Inshita ikesa, ilyo bonse abo ababa munshishi bakomfwa Ishiwi lya kwa Lesa.” Kabili Mukalyumfwa. Temulandu musango nshi mubelelemo, Mukalyumfwa nangu cibe ifyo. Elyo nabamo abakafuma mu nshishi, bakesa mukupelwa imilandu. Baleumfwa Ishiwi, nomba Lilebapela umulandu. Kabili nga mwa Lyumfwa ilelo, “Ilelo, panuma ya

nshita ntali, panuma mwaumfwa Ishiwi Lyandi, mwitalamika imitima yenu, nga filya mwacitile mukusonsomba.” Kabili nga cakuti, mwe bantu baci Pentocastal abaleibunganya capamo mu masambilisho na kabili, mufya mwi sonde, “ukukwata imibele yabu kapepa lelo ukukana Amaka ya buko,” ilyo tamulati mwime mukushikuka no kwisa pelwa umulandu, pantu Ishiwi lya kwa Lesa ililelanda kuli imwe ukupitila mu Cebo likesa mipela umulandu muli bulya bushiku.

¹⁰⁷ Nga cakuti waliba uwa cetekela uwa cifulefule, Ishiwi lya kwa Lesa lileita mu mutima obe kano kacelo, “Uli uwa cetekela uwa cifulefule,” cawama walapila!

¹⁰⁸ Imwe mwe baume, na banakashi, abalumendo atemwa abakashana, abashikalilako Kristu, kabili ne Shiwi lya kwa Lesa lile landa kuli imwe ukupitila mu Cebo Cakwe no kutila “leka ukucita ico,” cawamapo wakonka ico. Pantu uka Lyumfwa na kabili bushiku bumo, kabili Lika kupela umulandu. Teti Ulikane, lile landa kuli iwe nomba line. Kabili, ibukisha, balekopa ifi.

¹⁰⁹ Nabo abacita icalungama no kumfwa Ishiwi Lyakwe, bakabuka ku bulungami, ku Bukata, ku Mulu.

¹¹⁰ Eico mukomfwa Ishiwi lyakwa Lesa munshita imo. Limbi mukantepentepe kano kacelo Lilelanda mu mutima obe, ukuti winga bweluluka ku mibele iyo uleendelamo nomba, bwelulukila kuli Lesa. Nomba, ibukisha, balakopa ilyo Ishiwi ili lelanda mu mutima obe, mu Mulu. Kabili ubushiku bumo ilintu Yesu aketa, na bonse abalala mu nshishi, bonse, abalungami na babifi, bakema. Kabili ne liline Ishiwi limo line lika totocha kuli iwe, “Ku Phoenix, Arizona, pa bushiku bumo *ifi* ubwa pa Mulungu akacelo, ilintu kashimikila amikokweshe sana, ukulanda pe Shiwi, Nalilandile kuli imwe; ukumyeba mwe banakashi ukuti muleke imishishi yenu ukukula, ukuleka ukufwala ifishiyene; nalimyebele mwe baume ukuti muleke ubufi ubo, ukupeepa fwaka; kabili no kweba imwe bakashimikila ukwalulukila ku Cebo cakwa Lesa.” Mwamona umo Ndelosha? Ico cacine.

Lilya Ishiwi ilinono liletila, “Fikaba bwino.”

¹¹¹ Nga cakuti Nalishile nga Nekodemo, Kuti naesha ukuya kulya. Kuti naisa kuli Ena, kabili nokuya mulya mumatololo kumo, kabili no kutila, “Mwe Shikulu Lesa, Indi pano, mpilibuleni nomba. Mumbeni mu kufwaya Kwenu.” Ukubwelela ku Cebo. Pamo apo ulemona ukuti ulesha Icebo, bwelela palya pene, pantu cheni wa nchinga aakosela palya pene apanaka balundila. Kabili na munshila iyili yonse iyo washilamo amafunde ya kwa Lesa, ku kuya pyungila intambi, apo pene epo cheni obe akaputukila nangu ukose shani pali cilya cimbi. Ikatilila ku kuboko kwa kwa Lesa ukushaluka.

¹¹² Natupepe. Lelo, panuma ya nshita ntali, Shikulu, Mwatile ukuti Mukalanda, ukuti Mukalemba amafunde Yenu pa fipampa fya mitima yabo. Nshishibe icili ku ntanshi yandi. Icintu fye ico Njishibe ukucita kubuula Icebo Cenu no ku Cishimikila, icine cine Cikekala panshi ya mabwe kumo. Napepa, mwe Lesa, ukuti Mwingalanda kuli bonse abaice, abakwete imyaka iya pakati kubakulu na baice, abakote, abali bonse. Landeni ku mutima wandi, Shikulu. Landeni ku mitima yaba kapyunga aba. Landeni ku mitima ye bumba lyonse mukulongana.

¹¹³ Twapepa, Tata, ukuti ilelo twingomfwa Ishiwi Lyenu. Kabili natwishiba, nga filya cali munshita ya kwa Samwele, icimonwa capalwalala tacili ica seeka nomba, kabili cali tulumwishe abantu. Efyo cili ne lelo. Natukwata ifiloto naba kalota, natukwata abalelanda naba leilula, nomba icimonwa capalwalala ukwishila capamo ne Cebo ca kwa Shikulu, kabili ica lungamikwa. . . Twapepa, Shifwe wa mu Mulu, ukutila lilya Ishiwi ilya lebilikisha mu matololo, “Pekanishisheni Shikulu inshila,” tucetekele ukuti Umupashi wa Mushilo ucili ulepela Ishiwi ne lelo line, “Ipekanyeni ku Kwiswa kwa kwa Shikulu!” Kabili ifyo Cili iceni, pantu kuliko amashiwi ayengi ayesa ku ku Cipwisha amaka no ku Cifumyapo, lelo Cakusenamina mu matwi ya bale Cumfwa. Napepa ukuti Umupashi wa Mushilo nomba ubombe umulimo mukati ka mitima yesu ifwe bonse.

¹¹⁴ Kabili ilintu imitwe yesu icili naikontama, kabili Nincetekela ukuti ne mitima yesu naikontama: Nga cakuti nawishiba pamo apo tawanakila mu mweo obe, nawishibako Amalembo yamo, ayo wishibe ukuti ku sambilisha kwa Baibele lelo tawafikonka, pa mulandu wakuti fimo, ishiwi lya Hollywood lya likulenga ukucita ifintu munshila imbi. Ifiputulwa fimo imwe ba kashimikila mwasanga mu Baibele, ifyaba Cishinka ukufikapo, nomba namwishiba akabungwe kenu kakamitamfya nga mwa sambilisha Cilya, kabili na mwishiba no kwishiba ukuti Cishinka umupwilapo. Kuli imwe mwe bantu ababuula ifya lubana, no kwikala ubumi ubwa lubana. Imwe ba shifwe naba nyinefwe mwe ba shilepindulula abana benu, mwe bashilefwaya uku bakusha bwino. Limbi kuti mulesha na maka yenu yonse, nomba baleya munshila ye sonde abene, nomba mulesha ukubapela ifya kumwenako. Nomba nga tamulecita ici, Ishiwi lya kwa Lesa lilelanda kuli imwe, “Mwilacita cilya.”

¹¹⁵ Kabili nomba ilyo imitwe yonse naikontama na menso yonse naya shibata, kabili Lesa wa ku Mulu alolesha panshi mu mitima ya abo bantu abali ne cilaka kabili abasanga pa ncende apo balubiile. Kabili no kuboko ukwimishiwe kuli Lesa, no kutila, “Shikulu, Ndekabila icine cine Ishiwi Lyenu ukufumyamo konse ukukana cetekela, na fyonse ifintu ifishaba nga Imwe, kabili nengeni ukuba ifyo Imwe mwingafwaya ine ukuba,” bushe kuti mwaimyako amaboko yenu. Ilyo mu. . . Shikulu amupaale. Lesa amupaale.

116 Elyo Baibele yatiile, Yesu atiile, nangu kube yonse aya amashiwi, “Nomba nga umuntu aumfwa Ishiwi Lyandi.” No Kumukonka, ukapokelela ica kukabila cobe.

117 Shikulu, inshita ilebutukisha. Nomba Baibele yalilandile ifyo fine, “Kuli bonse aba mupokelele, bali batishiwe.” Napepa, mwe Shifwe wa mu Mulu, ukutila bonse abacimya amaboko yabo mukuyebelela ukwa cine, ukuti Icebo ca kwa Lesa ico babelenga, no kumona ukuti baali mucilubo. Nsha cilolesha pali citika wabo. Pantu te candi ukumona, ni Mwebo ukumona, Shikulu. Namwishiba ipange no kufwaya kwa cila kuboko ukwa cimishiwa mu mulu. Balekeni, ukufuma iyi ine insa, bafwaye mu mitima yabo, “Ukufuma lelo, ne nshiku shikakonkapo, Nkabuula Icebo cakwa Lesa ne Shiwi Iya kwa Lesa, no ku Cikonka temulandu ifyo nkapitamo.” Kabili balekeni basunge ici mumano yabo, ilyo baleya, mu lwimbo lwa kwa kashika wa nyimbo, “Bushe Yesu kuti asenda ulupanda eka, ne sonde lyonse iyaya ilya kaele? Awe, cila muntu alikwata ulupanda lwa kwe; kuli no lupanda lwandi. Kabili ulu lupanda ilwa shilishiwa Nkalusenda, mpaka imfwa ika ndubule.” Elyo ilintu Ishiwi Iya kwa Lesa likasosa, “Nkesa monekela mu bulungami Bwakwe, pantu Nalikonka Ishiwi Lyakwe, Ishiwi Iya Cebo Cakwe.” Nabapela kuli Imwe nomba, Shikulu, mwi Shina Iya kwa Yesu Kristu.

118 Nomba ilyo tucili natukontamika imitwe yesu, naimwe mulelapila no kulaya. Ndi uwasunguka pa mwana umunono uwikele apa, aleshingulusha no mutwe wakwe. Kabili kuliko ne Shiwi ku lukuta, “Nine Shikulu Uundapa amalwele yenu yonse.” E Shiwi ilyo mu lukuta. Kabili na bonse imwe abalekabila ukundapwa, kabili muleikala no mweo uwa kuishilisha ku Cebo conse ica kwa Lesa ukuti namwishiba icalungama, kabili mulekabila ubundapishi, Ndetontonkanya nga kuti mwaimyako amaboko yenu. Imyeniko amaboko yenu, “Shikulu, Ndekabila ubundapishi.” Cisuma.

119 Nomba, sunga Ishiwi ilyo mu mutima obe, “Nine Shikulu uundapa amalwele yenu yonse.” Ibukisheni, ilyo Icebo casosa, Cifwile caisa citika. Yesu atiile, Marko 11:22, “Nga watila ku lupili ulu, ‘Ati sendwa,’ ukwabula ukutwishika mu mutima obe, lelo wacetekela ukutila ico wasosa cikesa citika, cikapelwa kuli iwe ico walomba.”

120 Nomba, cila muntu munshila iyenu nomba, kontamikeneni imitwe, lapileni, “Shikulu, Nincetekela Icebo Cenu. Ndeumfwa Ishiwi Lyenu lilenjeba ukuti Mwaba cimo cine mailo, ilelo, kabili no muyayaya.” Nalaisa uko no kubika ukuboko kwandi pa mwana, pantu acepesha uwakwishiba ifilecitika, umutemwikwa umwana umunono, uwinga lingana imyaka kwati mwana wandi umunono Joseph. Kabili Ndefwaya bonse imwe ukulapepa, ukulapepa, “Shikulu, Naumfwa Ishiwi Lyenu. Nincetekela.”

¹²¹ Mwe Shifwe wa mu Mulu, tuleleta ili bumba kuli Imwe ku kundapwa kwa mibili yabo. Kabili, Shikulu, apa pali umwana umunono, acila cebusha ukubapo kwandi mu Mbila yonse, no kumona umufyashi na mupakata mu maboko. Ukupitila mu fya ku cipatala, tapali isubilo ku mwana uyu. Kuliko Ishiwi lya kwa Lesa ili cimfya fyonse. Nge fyo luno lukuta lulilundile capamo ku kulenga ifunde lyonse ilyo Naishiba ifya kulicita, ifya shala Fyenu, mwe Tata. Ndeya palya no kubika indupi shandi pa mwana.

¹²² Mwe Shifwe Lesa, mwi Shina lwa kwa Yesu Kristu, Nakalipila ici. Lekeneni amaka yakwa Lesa, ubundapishi bwa kwa Lesa . . . Lekeneni pabe ubupusano muli ena muli ba miniti basano. Lekeneni bonse bese kuli Lesa, ku bukata Bwenu.

¹²³ Mwe Shifwe wa mu Mulu, Mwalipele ubulayo. Eco Njishiibe fye, Mwapele ubulayo. Nacicitwa, nge fyo casoswa, “Nga *mwasosa* kuli ici,” kabili Ndesosa kuli chiwa onse uwa malwele atemwa ukutitikishiwa ukulekaka ili bumba, ukulekaka aba bantu, umupashi onse uwa kukana cetekela, Ndetila, “Fuma pakati ka bantu, mwi Shina lya kwa Yesu Kristu!” Nomba, twalishiba ukuti calilembwa, elyo nomba cali soswa, lekeni cicitwe, kululumbi no bukata bwa kwa Lesa. Kabili ni mwi Shina lya kwa Yesu Kristu twalombela.

¹²⁴ Nomba, imwe mwebanga cetekela, kabili mwe bacetekela, nangula cibe shani, tamufwile ukuba, ulubuto lwa cipona palya. Kalya kantu akanono mukati kenu, lilya Ishiwi. Mwe bafyashi ba uyu mwana, nangu umusango wa bulwele ube shani pa mwana uyu, mucetekele ukuti ulubuto lwa kwa Lesa lwa cipona mu mutima wenu, ukuti ukuti umulumendo alapola? Bonse mwe bashala mwebalepepelana, umo no munankwe, bushe na mucetekela ukuti ulubuto lwa kwa Lesa lwa cipona mu mitima yenu, “ubulwele bwandi nabupwa”? Lyena ipepo lya citetekelo nalipepelwa pali imwe, shindaisheni ico icintu. Kabili Satana nga aesa, iwe kubwelela palya pene, “Naiminine mulya mu chalici ya ma Spanish, kalya kacelo pa Mulungu, ipepo lya citetekelo lyali pepelwe pali ine. Kabili na Lesa alilaile!” Ipepo lya citetekelo likapususha umulwele na Lesa akabemya. Cifwile cacitwa. Bushe namucetekela ici? Tiileni “Cibe ifyo fine.” [Ulukuta lwatila, “Cibe ifyo fine.”—Ka.] Lesa amipaale. Nomba Nalabwesha ukulongana kuli Munyina Rose, Ndesubila apa, Munyina Jewel Rose.



ISHIWI LYA KWA LESA MULI SHINO
NSHIKU SHA KULEKELESHA BEM63-0120M
(The Voice Of God In This Last Days)

Iyi Mbila na Munyina William Marrion Branham yaletelwe intendekelo mu Cingeleshi pa Mulungu ulucelo, Kabengele kanono 20, 1963, pa Chalici yaba Apostolic mu Phoenix, Arizona, U.S.A., yafumishiwa muli tape iyambulwa kabili nalilembwa ukwabulo ukulundamo mu Cingeleshi. Uku ukwilula kwa mu Cibemba kwa lembelwe no kupelwa na ba Voice Of God Recordings.

BEMBA

©2017 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Icishibisho ukufuma ku mwine kalemba

Insambu shonse tashisuminishiwe. Ili buku kuti lya lembwa pali pulinta yapa ng'anda ku kubomfya kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfya ku kulomba indalama ukwabula insambu shalembwa na ba Voice Of God Recordings®.

Nga mulefwaya ukwishibilapo nafimbi nangu ukufwaya na fimbi ifyabapo, twalomba tumeni kuli ba:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org